

R2-52

會稽張介賓先生手輯
仁和張獻輝先生校閱

景岳全書

善成堂藏板

序

人身一小天地也。天地之氣不
越陰陽。陰陽和而後覆載得其
清寧。淵岳得其渟峙。以至草木
鳥獸咸若。易有之。山澤通氣。水
火不相射。是即陰陽和之之謂
也。所以易與天地準。故能彌綸。

天地之道而余亦謂醫與易準
故能神明闡闢之原人之一身
五藏六腑四肢百骸脩矣非氣
不生非血不行氣血者陰陽之
屬也而醫則陰中求陽陽中求
陰循環無已從逆得順從消得
長從虛得盈今先後之天審燥

濕之宜察剛柔之用二氣之說
明則表裏虛實無不洞然於中
斯酌古可以劑今所謂神而明
之存乎其人善易者未有不善
醫者也夫砭衛調而後經絡順
陰陽錯而後疾病生軒岐具挽
回造化之神功而靈樞素問一

書猶日月經天江河行地後之
人雖窮幽極渺尚恐理解未明
用違其術唯仲景張氏立齋薛
氏丹溪朱氏東垣李氏諸君朗
悟通神能窺其奧皆有著述為
醫家指南以名於越人淳于之
後而醫宗醫錄醫統拔萃寶鏡

諸編亦足以羽翼內經者猶之
六經而外諸子百家不可廢也
但浩博泛濫童年習之皓首而
不得其源倘能採掇精華不支
不漏燦若雲漢明若列星俾人
披其集而漱滌五藏練精易形
有所宗旨斯亦窺易簡之奧而

具參贊之功者矣吾郡張會卿
先生名介賓自號通一子於書
無所不窺壯年好談兵擊劒思
有所用於世筮易得天山之遯
遂決意石隱避世壺中精軒岐
之道而於生死疑難之際審呼
吸於毫芒辨浮沈於影響君臣

佐使無不析其源流問切望聞
無不窮其寔與彙成景岳全書
一集列為八陣中為九宮前分
門後方劑去陳言之糟粕聞前
詰之心思金者參之疑者剖之
略者補之誠度世之津梁衛生
之丹訣也是書贈炙海內已久

余以不得一見為悵適林汝暉
姪倩攜之來粵如獲拱璧因謂
兒輩曰茲編宏濟之仁不在良
相下豈一身一家之所敢私哉
特付剞劂以公諸世庶不沒作
者之苦心而同於長桑禁方之
授也夫會稽魯超序

全書紀畧

先外祖張景岳公名介賓字會卿先世居四川綿竹縣明初以軍功世授紹興衛指揮卜室郡城會稽之東生穎異讀書不屑章句韜鈴軒岐之學尤所淹貫壯歲遊燕冀間從戎幕府出榆關履碣石經鳳城渡鴨綠居數年無所就親益老家益貧翻然而歸功名壯志消磨殆盡上棄所學而肆力於軒岐探隱研神醫日進名日彰時人比之仲景東

垣云苦志編輯內經窮年縷析彙成類經若干卷
問世世奉為金匱玉函者久矣全書者博採前人
之精義考驗心得之玄微以自成一家之書首傳
忠錄統論陰陽六氣先賢可否凡三卷次脉神章
擇諸家珍要精髓以測病情凡二卷著傷寒為典
雜證為謨婦人為規小兒為則痘疹為詮外科為
鈐凡四十卷採藥味三百種人參附子熟地大黃
為藥中四維更推參地為良相黃附為良將凡二

卷創藥方分八陣曰補曰和曰寒曰熱曰固曰因
曰攻曰散名新方八陣凡四十卷集古方分八陣
名古方八陣凡八卷別輯婦人小兒痘疹外科方
總皆出入古今八陣以神其用凡四卷共六十四
卷名景岳全書是書也繼往開來功豈小補哉以
兵法部署方畧者古人用藥如用兵也或云公生
平善韜鈴不得遂其幼學壯行之志而寓意于醫
以發洩其五花八門之奇余曰此蓋有天焉特老

其才救世而接醫統之精傳造物之意夫豈其微
歟是編成于晚年力不能梓授先君先君復授日
蔚余何人斯而能繼先人之遺志哉歲庚辰攜走
粵東告方伯魯公公曰此濟世慈航也天下之寶
當與天下共之捐俸付剞劂閱數月工竣不肖得
藉慰先人以慰先外祖于九原先外祖可不朽矣

外孫林日蔚汝輝敬跋

景岳全書總目

目序

共計二十四集

六十四卷

每集俱列字號

入集

一卷

傳忠錄上

二卷

傳忠錄中

道集

三卷

傳忠錄下

四卷

脉神章上 有口二張

五卷

脉神章中

六卷

脉神章下

須集

七卷

傷寒典上 有口二張

八卷

傷寒典下

從集

九卷

雜證謨

目錄

十卷

雜證謨

諸風

十一卷

雜證謨

非風

厥逆

傷風

十二卷

雜證謨

風痺

汗證

瘧證

性集

十三卷